

Հաշվետվություն

2024 թվականի հոկտեմբերի 23-26-ը Ռումինիա,
(Բուխարեստ) կատարած գործուղման արդյունքների մասին

1. Անունը, ազգանունը, զբաղեցրած պաշտոնը

Աննա Կարապետյան, Կադաստրի կոմիտեի գեոդեզիայի և հողաշինարարության վարչության երկրատարածական տվյալների բաժնի գլխավոր մասնագետ

2. Գործուղման վայրը և ժամկետները.

Ռումինիա (Բուխարեստ), 2024 թվականի հոկտեմբերի 23-26-ը

3. Հրավիրող կողմը.

Ռումինիայի գեոդեզիստների միություն (UGR)

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Ռումինիայի գեոդեզիայի շաբաթ (RSW) 5-րդ միջոցառմանը մասնակցելու նպատակով

5. Քննարկված թեմաները.

Միջոցառման շրջանակներում քննարկվեցին հետևյալ թեմաները.

- անշարժ գույքի շուկայի թափանցիկությունը,
- անշարժ գույքի շուկայի մշտադիտարկում և գնահատում,
- կադաստրի համակարգի ներկայացում,
- տարբեր ոլորտներում ԱՏՀ ծրագրային փաթեթներում տարածական տվյալների հետ աշխատանքի կարևորությունը,
- գեոդեզիական ժամանակակից սարքավորումների կիրառումը, ստացված արդյունքների վերլուծությունը ԱՏՀ միջավայրում,
- տարածական տվյալներով կատարվող աշխատանքների ավտոմատացում, արհեստական բանականության կիրառում,
- ԱՏՀ հավելվածների օգտագործումը համապատասխան նպատակային արդյունք ստանալու համար. մարտահրավերներ (AI, AR/VR, ML, DL),
- ԱՏՀ տեխնոլոգիաները որպես կայուն զարգացման հիմք,
- ինժեներական գեոդեզիա, նորագույն տեխնոլոգիաներ:

6. Հանդիպումներ, ելույթներ, բարձրացված կամ քննարկված հարցեր.

Ռումինիայի գեոդեզիական շաբաթը մասնագիտական համայնքի համար կարևորագույն իրադարձություններից էր, որին մասնակցում էին Չափագրողների միջազգային ֆեդերացիայի անդամ երկրներից ժամանած պատվիրակներ: Միջոցառմանը մասնակցում էին Չափագրողների միջազգային ֆեդերացիան, Գեոդեզիայի եվրոպական խումբը, Բուխարեստի Քաղաքացիական ճարտարագիտության տեխնիկական համալսարանը, Կադաստրի ու հողի գրանցման ազգային գործակալությունը, ինչպես նաև այլ կազմակերպություններ և՛ պետական, և՛ մասնավոր սեկտորներից:

Միջոցառման շրջանակներում ներկայացրել են «ԱՏՀ-ի կիրառումը հողերի կառավարման մեջ» խորագրով զեկույցը՝ կարևորելով Կադաստրի կոմիտի գործառույթների շրջանակներում ԱՏՀ-ի (GIS) դերի բարձրացման և կիրառելիության շրջանակի մեծացման համար նախաձեռնող քայլերը.

- ոլորտը կարգավորող մի շարք օրենքների և իրավական ակտերի ընդունում,
- բազային քարտեզագրական շերտերի թվայնացում,
- առկա քարտեզների և բազաների թարմացում,
- կադաստրային քարտեզների ուղղում,
- հողային ֆոնդ շերտի վերլուծություն՝ համեմատում փաստաթղթային տվյալների հետ,
- քարտեզագրական սխալների վերհանում,
- հասցեների գեոկոդավորում,
- աշխարհագրական անվանումների տեղեկատվական բազաների ստեղծում, գեոկոդավորում,
- ազգային գեոպորտալ, տարածական տվյալների ենթակառուցվածք:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Հանդիպման կամ հավաքի ժամանակ փաստաթղթեր չեն ստորագրվել: Միջոցառման ընթացքում պայմանավորվածություն ձեռք բերվեց շարունակել համագործակցությունը՝ կազմակերպելով սեմինարներ և համատեղ աշխատաժողովներ տարբեր ձևաչափերով:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.


Ռումինիա այցը հնարավորություն էր ծանոթանալու ոլորտում առկա խնդիրներին, դրանց լուծման ուղղություններին և ներկայացնելով սեփական փորձի ու գիտելիքների վրա

հիմնված լուծումները՝ մաս կազմել միջազգային մասնագիտական համայնքի միասնական տեսլականի ձևավորման գործընթացին:

Կադաստրի կոմիտեն 2023 թվականի մայիսից հանդիսանում է Չափագրողների միջազգային ֆեդերացիայի (FIG) անդամ և այս տեսանկյունից մասնակցությունս Ռումինիայի գեոդեզիայի շաբաթին կարևորվում է:

9.Ստորագրությունը, ամսաթիվը:

Աննա Կարապետյան



30.10.2024 թ.